



古今事文類聚

遺集  
八之九

~~X~~  
98  
97

逍遙文庫  
文庫6  
28  
97





新編古今事文類聚遺集卷之八

建安

祝淵

宗禮

編

金陵

唐富春

子和

刊

封爵部遺

封王

封郡王附

此下補外集總王府官之前

歷代公董

王爵非古也。周末諸侯或稱漢制封諸侯。故以王爵

加之。總名諸侯王。其實諸侯也。自漢分王子弟而非劉氏不

王。魏晉以下因之。晉亦有王公侯伯子男六等之制。隋始做

陳制九等。後惟留王公侯二等。唐始興務廣交蕃鎮天下。故

從昆弟子自勝衣以上。悉爵郡王。至太宗降封。天寶九年賜

安祿山爵東平郡王唐將帥封王自此始宋朝稽漢非劉氏  
 不王之制若異姓唯后之祖父乃贈王爵佑命之臣獨趙普  
 以元勳封韓王若曹彬封秦王潘美封鄭王雖勳亞忠獻終  
 緣有女若孫為后得之而故相未聞有贈王者蔡京秉政用  
 繼述之說贈王荆公為舒王後贈何執中為清源郡王而當  
 時以為非乃贈韓魏公為魏郡王以塞物論又贈鄭居中為  
 榮陽郡王賢取燕山賞童貫之功封廣陽郡王王爵於是濫  
 矣中興以後如四大將之功韓世忠封鄞王張俊封循王皆  
 賞功臣之最也開禧間韓侂胄亦加郡王蓋仍外戚之寵也  
 清瑣拾遺

羣書要語 顯班帝制榮格國封六一集 金券王冊虎符龍節 東

坡表忠規碑 遂膺典冊進位真王 展表類 衮衣綉裳既極公台  
 之貴金印盤綬肇開王社之封 土宇分封位列真王之貴 上  
 詩句功業汾陽異姓王 杜詩

古今事實

南回稱孤

漢高祖定天下功臣異姓王者八國咸得裂土南回稱孤  
 即為真王

韓信平齊使人言漢王曰齊今詐多變不為假王以鎮之其勢  
 不定請自立為假王漢王罵曰大丈夫定諸侯即為真王何以  
 假為

分王功臣

厚文類聚

高祖四年立韓信為齊王徙為楚王五年以九江王英布為淮南王盧縮為燕王韓王信為代王彭越為梁王

封諸呂王

呂后臨朝封諸呂為王太后病戒產祿曰高祖與大臣約非劉氏王者天下共擊之今王呂氏大臣不平我即崩必據兵衛宮毋為人所制太后崩周勃陳平劉董等共誅產祿迎立代王

封白屋王

匈奴攻耿恭單于遣使招恭曰若降者當封為白屋王並漢書

尉景之子粲性彊武天保初封庫狄干等為王粲以父景不預王爵大恚恨閉門不朝帝怪遣使就宅問之隔門謂使人曰天

下不封粲父作王粲不如死齊書文宣親詣其宅慰之方復朝請

封汾陽郡 以下係郡王

唐上元二年李光弼兵敗河陽失守又河中軍亂殺其帥李國貞太原節度使鄧景山亦為部下所殺遂用郭子儀進封汾陽郡王出鎮絳州子儀擒其殺國貞賊首王元振數十人並誅之太原辛雲京亦誅害景山者由是河東諸鎮悉皆奉法

封咸寧郡

渾瑊父釋之積戰功累遷至開府儀同三司寧朔郡王德宗幸奉天瑊率家人子弟以拒朱泚賊平德宗封瑊為咸寧郡王

封北平王

唐高祖封李建成為北平王

馬燧少讀書較卷歎曰丈夫當建功於代以濟四海安能矻矻  
為一儒哉燧姿度魁異沉勇多智略朱泚之亂燧守太原引晉  
水而注城之東渚以為池寇至計省守陴者萬人封北平郡王  
並唐書

封宗室近親

宋朝宗室近親承襲特旨者封郡王兩朝志

封元勳功臣見前沿革

古今文集

雜著

太宗正事封東平郡王制

呂伯恭

周建國以親諸侯用修宗盟之慶漢置官而序九族是司屬籍

之蕃瞻然叔父之賢首我內朝之望博稽輿誦董正皇支升之  
上將之壇賜以鉅邦之履飭宣不號甲詔治庭具官樂易而不  
不流温恭而有守河間學古入對二雍之官沛獻好文爰作五  
經之論齋襲神明之胄地依日月之華太路大旂傳鼎彝於故  
府法言法服蹈規矩於先主曷疇進律之文顯涉承流之任德  
齒叅劭魁然祭酒之尊名實兩崇展天戚藩之冠載念齊家之  
要必嚴糾族之權示以褒儀屬茲肅艾是用繇譙城之留務總  
廊時之成師踐辟疆之班聯式彰清靜昨憲王之封域用答勤  
勞合集寵光布童物采於戲問雞鳴之寢朕方形立愛之風誦  
麟趾之詩爾尚輯淳宗之典若梓材之來兄弟若藁藹之莛本  
根其追配於前人亦有辭於永世

# 封公

開國郡縣公附

歷代沿革節周人兼官之制也。成王作周官，只有三公兼官之稱。然在當時，如周公之封於魯，太公之封於齊，微子之封於宋，亦曰庸建爾于上，公大抵皆世襲稱公。漢魏以來，不過沿古三公之名。唐立品爵勳階之目，故或以國封公，如狄梁公蘇許公、張燕公、裴晉公，皆位宰相而直封國公者也。宋沿唐之制，故位宰相而直加封曰某國某公，是又於三公三少之下，別加爵而特封國公者也。中興以來，皆踵此典，惟正宰相則直封國公，執政皆與此例。要亦不過於開國五等之上，而直加以公爵之名。會要 遇恩及宗室祖宗後承襲及特旨者。

封國公

二朝史

皇屬有特封郡公縣公或贈侯者，無開國字。

會要

羣書要語：諸公之地，封疆方五百里，其食者半。

周禮

公執相圭。

上公九命為伯，同上。

公直也，取其正直無私。

釋名

古今事實

建五等公

咸熙元年，相國晉王奏建五等諸公。地方七十五里，邑一千八百戶，置相一人，典祠典書典衛典禮各一人，妾六人，車前司馬十人，旅賁四十人。魏志

劍履上殿

上公九命則劍履上殿。

晉書

事文類聚

卷之八

五

忠孝堂

相當為公

有善相者師圭謂陶侃曰君左手中指有豎理當為公若徹於上實不可言侃以針尖之見血灑筆而為公字以紙裹手公字愈明同上

嘉禾進爵

許洛陽為鴈門太守家田三生嘉禾皆異壟合類世祖善之進爵北地公比史

食邑萬戶即封

宋朝舊制將相食邑萬戶即封國公王且過萬戶而謙抑不請封慶曆七年南郊中外將相惟夏竦滿萬戶中書請封英國公因詔使相未滿萬戶者皆得封宋敏求錄宋朝之制食邑滿萬

戶便封國公杜衍既致仕因郊祀當加恩而食邑未滿萬戶特詔封祁國公蓋異禮也其後遺奏有曰非萬戶而泰賜履之封自三少而席司成之重蓋謂是云徐度編

古今文集

雜著

賀皇長子封公表

王拱辰

建親授社屏翰於王家封子維城安強於國幹誕揚休命敷告羣倫均海寓之歡心洽朝廷之大慶竊以宗藩錫瑞賢戚分疆周列侯邦半諸姬而啓土漢有天下非劉氏則不王皆所以滋大本枝維持京室綿鼎數於穹壤固廟佑於山河屬我熙朝益隆茂典恭惟皇帝陛下纂承皇序恢闡洪圖善迪孫謀適遵祖

事類彙編卷之八  
張說  
構乃眷元良之重已昭岐嶷之英肇啟南圻崇加上袞離明震  
豫知帝緒之無疆海潤星輝戴吾君之有子臣居留近甸迹遠  
髡墀惻聽恩重舉增抃懽

讓封燕國公表

張說

寵靈猥及中心如快臣某中謝臣聞至道之時重法守義上無  
無功之賞下無無德之祿故授受禮全而踰越不起伏惟陛下  
光撫寓內大寧天域百度惟新萬靈翹注建侯疏壤允答元功  
臣亦何人首膺是命自古有傳道而爵說經而封蓋以訓蒙成  
聖資師通學臣之侍講有異前聞何者大明朝昇螢燭無助時  
雨夕霏浸灌焉施幸得依附光景游泳渥澤豈敢虛承啓發之  
恩謏荷就將之報且如人臣之義二則爲罪一心不回愚智之

分譬如太馬有不肖之性草木有不周之理知何德於天壤而  
欲蒙造化之偏施哉臣之無功正與此類叨恩過量終懼且慙  
乞迴聖慈以容介節無任惶悚之至

謝封濟國公表

周必大

配天其澤溥均汶上之釐裂地而封首賜濟陽之頒逢辰有幸  
揣分無堪臣某中謝臣竊以偏秩羣神莫嚴宗祀肇分五等實  
重公主當聖君不憚於親祈宜百辟咸思於職助而臣學懵几  
筵之制位叨兩社之間猥備相儀甚慙該輔拜恩綸而徵福啓  
封國以知榮茲蓋伏遇皇帝陛下誠格顯幽仁周品物謂天地  
祖宗之竝况已敷錫於臣民則股肱心腹之同体宜申加於爵  
邑是推洪施罔間素餐臣敢不仰服龍光俯殫驚鈍感鬼神而



問通今雖愧於博聞披輿地之圖復古尚期於親見

律詩

寄裴令公

白居易

天上中台正人間一員高休明值堯舜勳業邁蕭曹

### 總開國

歷代公董此即古五等之爵也春秋時宋稱公齊晉稱侯曹稱伯許稱男滕杞稱子即其等級之國也自秦罷侯置守漢法非有功不封然大抵侯爵浸多惟東漢二十八將之封及兼及伯子男然亦未始視官品以為之封也自唐立為五爵之制於是始有開國五等之爵如顏師古開國子陸德明開國

男是也

宋自改官制以來大抵侍從以上始得開國卿監以

下不詳

故開國之制有二伯子男止封縣公侯則封郡州縣

則歸其所居之本貫者封之與單封國公不同是取他郡

然又有止封食邑者又有加食實封者食邑行于伯子男加

食實封者行於公侯

然食邑之戶數大抵每一千戶則實封

者止十分之一實封每戶細計始有俸祿

者亦有宰相帶爵秩者宰相本封國公之例以其輕重高下

小大隆殺等級之自各有不同也

### 開國侯

羣書要語諸侯有功則益地禮記加地進律同上錫之山川土

田附庸詩也利建侯易豫利建侯行師同上諸侯之地封疆方  
四百里其食者參之一周禮侯伯七命侯執信圭並同上昔  
五侯九伯以來輔周室賜我先君履左傳所踐履之界

古今事實

丹書鐵券

漢高帝初封侯者皆賜丹書鐵券曰使黃河為帶泰山為礪漢  
有宗廟爾無絕世漢書

金印紫綬

列侯金印紫綬功大者食縣邑小者食鄉亭漢官解詁  
封為留侯

漢封功臣張良未有戰鬪功高帝曰運籌帷幄之中決勝千里

之外子房功也乃封良為留侯

雍齒且侯

上在洛陽南宮從復道望見諸將相與坐沙中語上曰此何語  
留侯曰此謀反耳上曰為之奈何留侯曰上平生所憎羣臣所  
共知誰最甚者上曰雍齒留侯曰今急先封雍齒以示羣臣上  
置酒封雍齒為村方侯皆曰雍齒且侯我屬無患矣並同上

願封本鄉

後漢光武封功臣各言所樂諸將皆占豐邑美縣惟丁綝願  
封本鄉曰昔叔孫敖救其子受封必受堯堉之地今綝能薄功  
微得鄉亭侯足矣後漢書

封櫟陽侯

後漢光武封功臣各言所樂諸將皆占豐邑美縣惟丁綝願  
封本鄉曰昔叔孫敖救其子受封必受堯堉之地今綝能薄功  
微得鄉亭侯足矣後漢書

光武封景丹櫟陽侯。帝曰：富貴不歸，故鄉如衣繡，夜行故以封。御耳。

封安豐侯

詔曰：竇融執志忠孝，扶微救危，仇疾反虜，隗囂舉勦，五郡精兵，羗胡畢集，兵不血刃，而虜土崩瓦解，朕甚嘉之。其以六安安豐、陽原、蓼安凡四縣封為安豐侯。

相萬里侯

班超詣相者，相者曰：生燕頰虎頸，飛而食肉，此萬里侯相也。後超事漢定西域五十餘國，封為定遠侯。

封東亭侯

曹沐自荊州北歸，太祖曰：此吾家千里駒也。封東亭侯。魏志

建五等侯

咸熙元年，晉王奏建五等諸侯地七十里，邑千六百戶，官屬同諸公。妾五人，車前司馬八人，旅賁二千六人。魏志

僧珍奇聲

相王指呂僧珍曰：此兒有奇聲，封侯相也。南史

安仁面方

宋明帝見李安仁曰：卿面方如田，封侯相也。

幼小封侯

李崇以父賢勲封迴樂縣侯。時年尚小，親族相賀，崇獨泣。賢怪而問之，對曰：無勲於國，而幼小封侯，當報主恩，不得終於養，是以悲耳。賢由是大奇之。隋書

事文類聚遺集 卷之八

孔愉佩印

孔愉以討華軼功封餘不亭侯初愉小時嘗得一龜放於餘不溪中流左顧者數四及鑄侯印而龜左顧更鑄猶然愉悟遂佩焉晉中興書

### 開國伯

羣書要語諸伯之地封疆方二百里其食者參之一周禮伯執

躬圭一侯伯七命並同上伯白也孝經援神契

**古今事實**

建五等伯

咸熙元年晉王奏建五等伯地方六十里邑千二百戶官屬同

諸公妾四人車前司馬六人旅賁二十八人魏志

封未固伯

王勇論討茹茹功別封未固伯邑五百戶時有別封者例聽回授次子勇獨請封兄子元興時人義之後周書

### 開國子

羣書要語諸子之地封疆方二百里其食者四之一周禮子執

穀壁子男五命並同上子獨莖莖栖下之稱也環濟要略

**古今事實**

建五等子

咸熙元年晉王奏建五等諸子地方五十里邑八百戶官屬同

諸公妾二人車前司馬四人旅賁千人

魏志

封侯之瑞

王敬則封重安縣子敬則少時於草中射獵有蟲如烏豆集其身摘去乃脫脫處皆流血敬則惡之詣道士卜道士曰此封侯之瑞也 齊書

古今文集

雜著

謝進封開國子加食邑表

樓鑰

職在琳宮方謹祝釐之奉詔分穀璧更蒙與邑之多敢期洪私下及散地 中謝 伏念臣頃叨推擇濫與論思自登瓊閣之職已經采食之賜明時未矣歸猶得於柯官比歲以前居幸霑於郊

需賦息既承於延賞先臣復被於追榮獨此加恩格而不下方斯念答嗟弗敢言顧三百戶之逋罔知所自念五十里之小相去幾何追茲祭澤之頒始冒綸言之寵母升次郡爵進小邦再拜知歸一門增耀茲益伏遇皇帝陛下禮嚴宗祀惠及臣工仁不忍於遐遺福靡求於專鄉遂令遠近亦荷寵光臣敢不惶愧素餐著名丹悃奉璋就列莫輸奔走之勞分土疏封安有蕃宣之力

開國男

羣書要語諸男之地封疆方百里其食者四之一 周禮男執蒲塵 子男五命 同上 男任也任治事受王命為君也 環濟要略

古今事實

建五等男

咸熙元年晉主奏建五等諸男地方二十五里邑四百戶妾二人車前司馬二人旅賁士二人又次國男方二十五里邑二百戶

王府官部遺

王府翊善

此下補外集總王府官之後

歷代沿革宗太平興國四年置翊善一人續會要孝宗初就傅范元長以待制兼資善堂翊善自是率以從官為之其後親王府不復除第以朝士兼管讀直講而已淳熙末寧宗在嘉

邸留丞相始薦用黃文叔自秘書除翊善不為兼官非常制也其後文叔遷起居舍人歷中書舍人給事中皆兼翊善是以從官兼七品之職矣

羣書要語

晁朱輪於華邸曳長裾於王門名宦不為不遇

白樂

天集

竭誠親邸

胡文恭行向士安制

申翊宗藩曾惠訓之不倦

同上行王渙制

典教官邸公是行畢由制

古今事實

大山小山

前漢淮南王安為人好書詔置賓客數千人八公之徒感慕其德各竭材智著述篇章分其詞賦以類相次或稱大山小山猶詩有大雅小雅也

古今事類彙編

卷之八

十二

古今事類彙編

曳王門裾

吳王濞陰有邪謀。鄒王上書諫之曰：臣何王之門不可曳長裾乎。前漢書

南方秀望

晉顧榮時在洛者，惟陸雲、陸機及榮三人而已。機雲有詞藻不及榮，以南方秀望補吳王郎中令。晉中興書

入子鸞府

宋武帝時，殷淑儀寵傾後宮，子始平王子鸞受冠，諸子凡為上盼過者，莫不入子鸞府。

西邸得人

竟陵王子良開西邸，招文學沈約、蕭琛、王融、謝朓、陸倕、范雲任

昉等游，號為得人。

王生才地

王勵美風儀博涉書史，仕梁為河泉東王功曹，王出鎮勵將隨之。藩張纘時典選，勵造纘言別纘見其風采，乃曰：王生才地豈可遊外府乎。奏為太子洗馬。南史

擇耆德方正

宋大中祥符九年，以張士遜、崔遵度並充壽春郡主府賓客。時王將受經，擇耆德方正有學術者為府官。士遜時為河北轉運使，雅素清謹，遵度力學有士行，搢紳目為長者，即召士遜等赴闕，命為

論修身治國

張忠簡公大猷公莊重出於天性誠信濟以學力在王邸讀資治通鑑至論脩身治國及復誦說壽皇每嘉納暇日賜札和詩恩意綢繆周益公集

充為翊善

治平三年以尚書度支部中王稷臣直集賢院充為穎王府翊善於皇子兩位供職

輟為諫官

邵亢傳英宗諭穎王曰以翊善端直朴厚輟為諫官美王出道帝語遂以制誥知諫院東都事畧

朱范極選見東官門

作渾天儀同上

諫作假山

姚坦為益王府翊善王嘗作假山石僚屬置酒觀之坦獨俯首下觀諫曰但見血山安得假山王驚問對曰坦在田舍時見州縣督稅捕入鞭笞血流滿身此假山皆民租賦所出非血山而何太宗亦為假山未成有以堊堊塗其上者上曰傷民如此何以山為亟命毀之長編

訪以世務

邵亢字興宗為穎王府翊善召對羣玉殿英宗訪以世務稱之曰學士真國語東都事畧

# 王府直講



歷代沿革 **宋** 太平興國四年。別置待講。以常參官充。政和七年

詔改待講為直講。詳見贊讀門

**羣書要語** 賤彼藩邸。高選佐經。姚元之制。勸講親賢。地淇水

制 談經王府。揮玉塵以雍容。同上 朕選敦朴有道之士。校經藩

方掌教宗子。胡文恭李恂制。度宗屏之訓。同上

**古今事實**

師範磐石

唐元和冊太子。赦其歸。登日元膺宜待講。承華師範磐石。可充

太子諸王侍講。

孫奭賜紫

宋至道二年。以孫奭為諸王府侍講。賜紫。

**命王答拜**

大觀二年。定主嘉王府侍講沈錫奏。真宗時。以張士遜為王友。

命王答拜。以示賓禮。不講讀之官。職在訓導。亦王之友。傳也可

如王友例。命王答拜。續會要

講說有法

鄭穆字閣中。為定嘉王侍講。府寮缺。御史陳襄請擇入。神

宗曰。如鄭穆德行。乃宜左右王也。居館下三十年。在二邸一紀。

非公事不至。執政之門。講說有法。可為勸戒者。必反復摘誦。二

王敬禮焉。四朝國史

多所裨益

李浩字德遠。黃恭王府直講。在王府多所裨益。且因事以及時

政書之於冊上或見之王亦愛重公他日補外累年乃歸王聞之欣然曰李直講來矣

校正九經

孫奭字宗古為諸王府直講校正九經正義東都事畧

庶專講授

熙寧元年五月言者謂諸王宮教授向來率用朴學醇儒近以員多所用之人或異於前者西漢以博士不通政事者補諸侯王傳欲下兩制及國子監舉有學行不通政事者充仍限年五十以上庶專於講授有益宗室詔如有缺宜令舍人院國子監舉朴學純誠行義無缺年五十以上充會要特為加禮

校書郎王十朋兼建王府小學教授先是教授入講堂則與皇孫敘賓主而教授居賓位十朋不可王特為之加禮而位教授於中中興系年錄

王府替員讀

歷代沿革唐開成元年宰相李石奏太子有待讀諸王亦有侍讀無隆殺之禮宜改奉諸王講讀宋英宗治平元年諸王府置侍讀一人職略以為太平興國中始置侍讀侍讀與此不同當考徽宗政和七年張太亨奏切見講讀之官在太子謂之侍講侍讀而在諸王府者亦有侍講侍讀官號比擬稱謂相系詔諸王府侍讀改為替讀侍講改為直講

古今事實

文學俱長

徐摛字士秀高祖謂周捨曰我求一文學俱長兼有行者欲令與晉安主緯遊處捨曰臣外弟徐摛形質陋小若不勝衣而堪此選高祖曰必有仲宣之才無問其容貌乃以摛為侍讀

節義之風

姚思廉仕隋為代王侍讀高祖定京師獨思廉侍王觀者歎曰仁者之勇謂此人乎太宗嘗語及隋事遣使遺物二百段致書曰想卿節義之風故有此贈唐書

侍讀四王

燕公碑曰桂山徐聘字將道更潞沛豫周諸王侍讀四王之門

從容經席

義兼師友

宋蔡挺傳兄抗字子直為潁川郡王伴讀英宗在藩邸器重之請於濮安懿王願得與遊每見抗衣冠盡禮義兼師友東都事略

諸王官大小教授

歷代沿革宋太宗至道元年以員外郎孫贍充皇侄皇孫教授

從所號也

時中書言按唐文宗胡宰相李石奏太子有待讀

諸王亦有待讀無隆殺之禮請改為奉諸王講讀今皇侄皇孫是環衛之職以教授為名從之

南宅教授張蔚兼北宅教授嘉祐以來署諸宮教授立講書

課試規罰之法

此事見紹興五年錢觀復奏疏中與會要又

朝野雜記云咸平初命諸王府官分兼南北宅教授南官者大祖太宗諸王之子孫處之所謂睦親宅也北官者魏偁王

子孫處之所謂廣親宅也英宗治平元年教授更不兼官以

兩處供職有所廢闕會要時宗室本支之盛自率府副率以

上八百餘人而教授之官亦負而已因詔增置教授官凡皇

族年二十以上者百十三人置講書四員年十五以上者二

百九人增置教授五員年十四以下者別置小學教授十一

員并舊員為二十七員以分教之太學京朝官充小學選

人充四年詔今後諸官院大小學教授有缺令國子監與學

士院舍人院輪舉熙寧元年小學教授亦輪京朝官元祐二

年詔諸官學教授闕選所舉學官及可為師表可備講讀科

不足則三省選陞朝官有出身年四十以上者充崇寧二年

睦親宅及北宅廣親宅各太學小學教授一員廣親北睦親

西及周主官太學兼領小學各二員大小學兼領始于此朝

野雜記其後言者以官冗併大小學官又更員數每變以寡

失法意矣

羣書要語

成童誦習經書小學通達名數治平詔朝夕勸善日

月計能

有明師之切劘並同上置在官邸敷訓羣言胡文恭

行李恂制

藩房授道有惠訓不倦之勤同上行同安制

古今事實

置都講教授

事類彙編

卷之六

宋治平中宗室四千餘人親王置翊善侍講記室餘則逐官院  
置都講教授歲時有喜慶則燕崇政殿或太清樓

外有明師

治平六月五日詔內有懿親之表率外有明師之切劘懋進汝  
功用符朕意

揀履行端慤

仁宗嘗曰諸官院教授非止習經直亦須揀履行端慤者於是  
以張維翰充

舉士行朴厚

治平四年詔諸官院教授須舉士行朴厚實有經術恪靜自守  
衆所共推者即不舉權貴親戚會要

為元箴獻

吳充兼吳王宮教授他官多與宗室狎無誨道之義充獨以箴  
見禪宗子相率闕廳事設講席受經英宗在藩邸心重之為宗  
室元箴以獻一日視一日聽二日好四日學五日進德六日崇  
儉仁宗命寫賜皇族英宗書之座右神宗實錄

始正講席

吳申字景山英宗擇官教導宗室以為睦親宅都講初宗室坐  
序爵仍自為賓主講官位主席之東隅申不肯坐且曰宗室當  
以親族尊卑為序與講官分賓主至再移書太宗正宗正不能  
決因內朝出一書英宗是之宗室講席自申始同上

經史啓迪

劉章字文孺紹興中兼普安恩平兩王府教授公事王邸閱四  
歲暴忠寫誠以經義史學啓迪掖道受知孝宗自此始

兩制舉所知

治平二年蔡抗言今後諸官院教授有缺並下兩制舉所知以  
盡天下之才從之國史

新編古今事文類聚遺集卷之九

建安 祝淵 宗禮 編

金陵 唐富春 子和 刊

節使部遺

承宣使

此下補外集防禦使之後

歷代沿革唐中世以後節度使往往自擇將吏號為留後唐兵

志宋沿唐制方鎮有節度觀察留後職略又官制舊典祖

宗時留後惟宗室國戚自當叙遷若外官唯馬步軍都指揮  
使方就除焉馬軍帶留後步軍帶觀察餘無至者獨內臣任  
都知入次官至延福宮使景福殿使者方帶留後觀察皆為

選郡其外官選郡止於防禦使而已 政和七年詔觀察留後  
乃五季藩鎮官以所親信留主後務之稱不可循用可冠以  
軍名改為承宣使 四朝志 承宣觀察防禦團練使刺史為正  
任領他官者為選郡 淳熙重定令 選領者並止本官叙遷正  
任者次第轉行 四朝志 靖康元年臣僚言選郡正任思數遠  
絕自選郡遷正任者合次第轉行今有自選郡與落階官而  
授正任直超轉本等正官是皆奸巧希進躡取乞應選郡承  
宣使有功勞除正任者止除正任刺史從之

羣書要語 留臺之秩實亞節旌 龍溪除皇叔祖仲明制

古今事實

武臣正任 事見公革

承流宣化

陳靖轉選郡承宣使制夫自刺史而上皆武者之高選苟非尤  
恩不以叙進况承流宣化各秩益顯尚思稱塞無或不祗 張于湖集

觀察使

歷代公董 唐正觀初遣大使十三人巡省天下諸州水旱則遣  
使有巡察安撫之名神龍三年以五品以上二十人為十道  
巡察使察舉州縣再周而代景雲三年置十道按察使道各  
一人開元二年曰十道按察採訪處置使二十年曰採訪處  
置使分十五道天寶末又兼黜陟使乾元元年改曰觀察處  
置使 唐職官志又事物紀原以為至道元年置觀察使與志

不同當考 掌察所部善惡舉大綱凡奏請皆屬於州歲以八

月考其治以豐稔為上考省刑為中考辨稅為下考唐百官

志 宋 沿唐制置諸州觀察使凡諸衛將軍及使選領者其

資品並止本官叙防禦團練使刺史亦同 祥符中詔觀察使

並帶刺史翰林學士陳彭年言檢討唐以來故事 觀察使並

合憲刺史詔自今除觀察使可兼領之 政和中詔承宣觀察

使仍不帶持節等四朝志

羣書要語周以十聯率諸侯若今之廉察也白集 以佐軺車

宜得良帥俾之澄清 操郡印而幄兵符假左軺而帖中憲

廉察諸侯糾繩列郡 澄清郡邑鎮撫黎元 宜埋輪之威布

露寬之政 當至治之朝委廉察之寄 俾觀風於廉察 勞

徠諸郡綱紀列城奉詔條以安人參戎索以訓旅並日集除觀

察使制 觀風察俗六帖 提綱振領 明闡使威勤宣王命 求

人瘼分國憂並同上 春施秋殺陽開陰閉令脩於戶庭數日之

間而人自得於湖山千里之外韓文滕王閣記 廉察一州以為

爾龍 南豐三師約制 軺車問俗曲阜制 廉察之使始於有唐非

有勤勞益不輕授同上 按廉州部 李綬制 觀風之印胡文恭制

詩句稽山鏡水歡遊地犀芾金章榮貴身白居易賀元徽之除

古今事實

廉使

柳公綽為鄂岳觀察使至安州刺史李聽以廉使禮事之

賜新制服



唐貞元賜節度觀察使新制時服上曰觀察以鴈緙威儀取其  
行列有序冀牧人有威儀也注威儀即瑞草也

有大功德

宣宗時宰相語元和時治民孰第一周墀對曰臣常守江西觀  
察使常舟有大功德被八州歿四十年老幼思之不忘乃詔上  
舟功狀刻功於碑後子宿亦為江西觀察使政簡易江西以為  
世官

至設鄉校

常衮為福建觀察使閩人未知學衮至設鄉校使作文章親加  
勸導由是俗一變歲貢士與肉刑等  
乃繕俾隍

張建封為觀察使是時四方多故乃繕俾隍益治兵四節附悅  
希烈使掌帥悍卒來戰建封皆沮劔之

使通貿易

崔陵遷湖南觀察使湖南舊法雖豐年貿易不出境陵部災荒  
不郵陵至謂屬吏曰此豈人情乎無閉糴以重困民削其禁自  
是商賈流行貨物益饒

蠲橫租錢

衛次公為陝虢觀察使蠲橫租錢歲三百萬

惡俗大變

李德裕為浙西觀察南方信機巫雖父母癘疾子棄不敢養德  
裕擇長老可語者諭以孝慈太倫數年惡俗大變又按屬州非

經祠者毀千餘所撤私道山房千四百舍寇無所度天子詔褒揚

賜鞭表忠

張建封貞元四年為徐泗濠觀察使入覲德宗禮遇加等及還鎮賜詩又令賫所執鞭賜曰卿忠正節義歲寒不移故以賜卿表忠節也

嘗夜登城

呂元膺為御史中丞拜鄂岳觀察使嘗夜登城守者不許左右曰中丞也對曰夜不可元膺乃還明白擢守者為太尉入拜尚書右丞

決事精明

崔咸遷陝號觀察使日與賓客僚屬痛飲未嘗醒夜決事裁剖精明吏稱為神

德裕儉約

李德裕為浙西觀察使初潤州承王國清亂賣易直傾府庫資軍費用空德裕自儉約以留州財贍軍雖儉而均故士無怨每暮服物充切

敬晦儉勤

敬晦歷浙西觀察使時南方連有詔弛糴酒茗官用告乏敬晦儉勤費力遂充

謹重刑法

沈傳師為江西觀察使徙宣州傳師於吏治明吏不敢罔謹重

刑法每斷獄召幕府平處輕重盡合乃論決

豪右畏戢

韓休累遷梓郡觀察使部二十餘州自參軍至縣令二百員下車一吏持籍請補闕負休下教曰須按籍取可任任之會春服使至鄉有豪猾厚進賄使者求為縣令休召鄉豪責以抗法笞其背以令郡中自是豪右畏戢

美譽四騰

吳湊為福建觀察使政勤清美譽四騰與宰相竇參有憾參數短毀又言湊風痺帝召還念其疾非是參是不肯參

獻丹宸箴

唐敬宗荒僻日甚大臣罕見進言浙西觀察使李德裕身居廉

鎮乃心王室遺使獻丹宸箴六首

幕職文士

元稹為浙東觀察使遊會稽佳山水所辟幕職官皆當時文士而鏡湖秦望之遊月三四焉副使竇華海內知名與元稹酬唱至今稱蘭亭絕唱舊唐史

郡租自給

柳公綽為鄆岳觀察使先是百姓輸賦於州有上供送使留州建中初定兩稅宰相裴垪奏請天下留州送使物悉令上供觀察使乃以所蒞之郡租賦自給若不足然後取於支郡

戎服趨庭

唐故事刺史始見觀察使皆戎服趨庭致禮齊決廉察江西行

部過吉州刺史令狐坦不以我服謁入

持系金魚

陳堯咨自龍圖閣學士換觀察使目陳本儒生蒙陛下易以武弁所借者腰下無金魚袋命持系金魚以示優恩

禮秩待制等

放談云今官至觀察使禮

待制等

古今文集

雜著

黔州觀察使新廳記

權德輿

古者諸侯路寢成則考之今刺史頒詔條而都府廉支郡辦章命令必有彼處署者位之表也一方之所屬自焉黔中為楚西

南徼道在漢為武陵莊躋循江以略地唐蒙浮船以制越五溪襟束為一都會長入者急之則愁擾以走險緩之則橫猾而犯禁故分命者得持節按部而輯殺之視他邦授律之不若也元和二年夏四月制詔商州刺史隴西李君以中執法剖符茲土凡四使十五郡五十餘城裔夷若險以州部修貢職者又數倍焉岷巖經理招徠教化以柔遠人以布王澤先是兵火焚如之後公堂庫陋享土接賓禮容不稱君乃規崇構開華軒西廂東序靚深弘敞廣夏翼張長梁翬飛脩廊股引麗譙對起自堂徂庭陟降攸寧耀眉爽乎光明宣慈蘇以洽平君子謂福黔人於此堂也信矣以李君敏肅而才代為宗室吏師先尚書嘗縣大農賦政於此凡七易守臣而君嗣其職老壯感泣猶鄴人宜桓

武之世焉君之長壽安也則泉噴玉在湖也則亭白蘋在商也  
則館丹水皆得勝槩流為詠詩及茲則興事任力休嘉弘大此  
物此志惠于斯人其他可知也其陟明可前知也書事以志美  
其右史記之遺乎

### 團練使 副使附

歷代公華肅宗乾元初置團練使守捉使大領十州小者三五  
州唐職林代宗時元載當國令刺史悉帶團練使唐職林李  
少良傳大曆八年晉州男子郇謨欲以二十字上獻多譏切  
元載其言團者願罷諸州團練使少良尋為載所殺大率團  
練皆隸所治州歲以八月考其治否以安民為上考德安為

中考得情為下考唐百官志

**宋** 公唐制置諸州團練使略

羣書要語仍假符於刺舉常集攝刺史制訓練團結曲阜制肅

縮戎團分持軍簿胡文恭賜團練詔戎團之列曲阜制分摠戎

團蓋參中權之御王岐公除王道制兵團之制以訓練為事曲阜

阜除皇兄制甄進兵團之任南豐除景青制團兵重任南豐擬

### 古今事實

#### 官號重複

楊綰奏刺史自有持節諸軍事以掌軍旅司馬古司武所以輔  
軍即今副使司兵參軍今團練判官官號重複可罷天下團練  
守捉使詔可

#### 郊祀進秩

事類彙編

工部侍郎錢昱為鄂州團練使昱淑子也三州無善政至是郊祀進秩上謂宰相曰昱貴家子無檢操不宜狂丞郎故有是命

古今文集

雜著

湖南都團練副使廳壁記

呂溫

湘中七郡羅壓上游右振梓蠻左馳匪越控交廣之戶牖扼吳蜀之咽喉翼張四隅襟東萬里天下之安危係焉聖唐理維偃輦制不去備消息變化必惟其時由是部分荆衡復古南鎮輕其兵徒而重其統帥易其將校而難其參佐所以顯仁藏用明道晦權成師於禮樂之中講武於文章之內雍容易簡四十餘年名跡風流冠於當代始則裴諫議虬以逸材奇略傲視而靜

荒寇次則趙相公璟以高標雅望鬱起而為國楨其餘馮郎中嶷之碩重房容州孺復之英達鄭評事列張著作季文之美秀洎張和州惟儉盧侍御澥佐我先大夫宜慈明允實有成績是皆焯于朝論清在人誦者矣元和三年冬天子命御史中丞隴西李公以永嘉之循政京兆之懿則廷賜太旆俾綏衡湘威如秋霜無私凋惠如冬陽無私煦用人如止水無私鑒始下車表前副使殿中侍御史扶風竇君常字中行以本官復職於是監察御史河南穆君寂河內司馬君紆范陽盧君璠太常寺叶律師河東薛君存慶前咸陽縣尉吳郡顧君師閔前太子正字隴西李君礎前太常寺奉禮郎京兆杜君周士前延陵縣尉同郡杜君賞羣材響附各以類至文雅之器歲餘大備錯金碧於晴

壑絳孔翠於春林，遐邇翕然稱為盛府。中行感會，知已竭其誠，  
 能黃鐘音韻調於嶰谷之竹，大阿鋒鏃拭於華山之土。其吟鸞  
 鳳斷犀兕不足恠也。竇氏伯李同時七人，一居方伯，二列華首，  
 四在諸侯之館，名教之樂縉紳慕焉。以温近守支郡，且知故實，  
 得請連帥俾書公堂，媿於不文。安望堅讓。元和五年七月記。

壽州團練副使廳壁記

沈亞之

戰國南北書更言，故世諸豪爭據于壽春。或兵至百萬，有不能  
 得者，豈地勢為要津乎？自建中以來，淮夷窟叛於蔡，天子之詔  
 或討或赦，由是壽春備為東塞矣。為之守者皆佩將軍印，幕府  
 符書之設擬於方鎮，而有副使之官焉。元和中，常公武以殿中  
 侍御史為之。九年秋，蔡兵叛，壽春守令狐通引兵屯霍丘。副使

得孱卒百餘人，留郡中。冬，蔡兵大入馬塘，寇鄧家城，殺其將卒  
 五千餘人。虜民男女焚壞邑室而去。郡中驚駭，民人多流其家  
 而東。副使因言曰：壽春其地塹水四絡，南有淝，西遶淮，潁東有  
 淝，下以北注，激而迴焉。西流環郭而濬，入于淮。此天與險於是  
 也。假如愚民能棄其業，西流即為蓬徙，塵走耳。安與國是為利  
 耶？乃出家奴與民戶一丁俱為水土，決安豐已南陂池，會其流  
 于城傍野中，浸注如澤焉。以故居民流心稍稍復定。時馬塘鄧  
 家城既陷，霍丘方畏寇乘其虛，復飛語為謠，以惑其俗。曰：狐死  
 首丘，井間方傳之者，老日果守不能保是矣。守聞之，益恐，遂棄  
 其城亡歸。是日霍丘焚行來未及郡，會日暮，使吏馳告副使，以  
 歸狀。令得夜開壁，吏至壁，卒捍關，吏不得入，呼罵其卒。副使立

城上曰某得命於詔城書授即書復之今守獨入而卒露無為也如驅與俱來寧不知盜居其間得夜則禍成矣或幸而止於郵平明關關介士陳兵夾道驗其號以入卒無敢越伍而趨居有頃守有謫去詔以李將軍代將軍西出強兵臨萬勝城復以副使掌留事明年陟其能得加侍御史是歲亞之東觀戰至壽春得副使之跡題之於署下以記行事之時云

### 國信使

歷代雖不以國信為官然使絕域事多亦可備用併載于此

歷代公董漢高祖遣樓敬使匈奴效結和親約此中國與北虜通使之始也五代間有之宋朝之興太祖平四海內契丹勢弱開寶七年使耶律琮遣雄州孫全興書願講和好明年遣使

克妙骨謹思

奉書自是使命始通

會要云命使並取旨選差

令著為令

我朝遣西上閣門使郝崇信太常丞呂端為使此

報聘也復遣秘書省校書郎御史館宋準假朝請大夫少府

監殿直郝文度假右衛率為契丹國信使先是奉使不借官

至是始借官是時以國信為名未有賀正之名也又明年太

宗即位命馮正張玘為使繼好未有告登寶位之名也太平

興國二年命李續為契丹正旦使而賀正之名自此始景德

澶淵之役二年命周漸為契丹生辰使而生辰之名自此始

不持此也國母亦有生辰正旦使是年孫僅為生辰使韓自

華為正旦使會安謂乾興元年張師德為契丹國母生辰使

以為國母生辰命使自乾興始按景德二年已遣國母生辰



皇朝文獻通考卷之六十一

使豈得謂自乾興始蓋誤 真宗上仙遣薛貽廓使於是有告

哀之名遣薛由使於是有遺留禮物之名遣在中行使於是

有告登寶位之名遣劉錯趙賀使於是是有皇太后皇帝廻謝

禮物之名慶曆中契丹遣使求關南地富弼增幣與平因爲

報使嘉祐三年契丹毋蕭氏卒遣朱處約爲祭奠使李師中

爲吊慰使建中靖國六年命張舜民爲遼國賀登位國信使

自是使名益衆矣 已上用會要續會要纂錄 建炎中興未和

則有新請使通問使 建炎元年遣傅房爲祈請使王倫爲通

問使已和則有報謝使 八年韓肖胄嘗爲之 紹興十二年沈

昭遠充生辰使楊愿充正旦使自是歲遣金國生辰正旦使

馬 中興會要

歲書要語使於四方不能專對雖多亦奚以爲語 使於四方不

入無知之俗 同上 隨絕域之聘人領天偶之歸客 自六帖歸要

領於闕于納斥堠於疆外 元和制詰 服一介之使合兩君之忻

者左右之臣也 賈誼新書 授冊與節臨軒遣之庶乎遠而有光

華且使絕俗殊鄰益敬吾使也 白集裴通制

詩句 儒衣山鳥怪漢節野童看 杜甫送楊判官使西蕃 身帶霜

威辭鳳闕口傳天語到雞林 劉禹錫送使新羅詩 又見子卿持

漢節遥知遣者泣山前 東坡次韻子由使契丹 旣彝年來亦甚

都時時鵠舌問三蘇 東坡詩 朱顏使者錦貂裘笑語春風入貝

州 王荆公逢北使歸詩

皇朝文獻通考

卷之六十一

十一

古今事實

無憂客使

晉士文伯讓子產曰以弊邑刑政之不修冠盜充斥是以令吏人完客所館高其閤厚其墻垣以無憂客使左傳

結轍於道

漢文帝二年詔使者冠蓋相望結轍於道以諭朕意於單于

使南越

陸賈使南越尉佗賜賈橐中裝直千金本傳

郎將擁節

使匈奴中郎將擁節秩比二千石漢舊儀

杖節牧羝

蘇武字子卿使匈奴匈奴欲降武乃幽武置大窖中絕不飲食天雨雪武卧齧雪與旃毛并咽之數日不死乃徙北海上使牧羝杖節牧羊卧起操持節毛盡落武留匈奴十九年始以下壯出及還鬚髮盡白

鴈足帛書

匈奴與漢和親漢求武等匈奴詭言已死後漢使復至匈奴武夜見使者教之謂單于言天子射上林中得鴈足有繫帛書言武在某澤中使者以讓單于單于驚謝漢使遣武歸

堂堂漢使

蘇武使匈奴匈奴脅武令拜以刀臨之武曰堂堂漢使安能屈於四夷哉

報使單于

後漢永平八年遣越騎司馬鄭眾報使北單于

以盡臣節

路溫舒願給廝養暴首方外以盡臣節

去節黥面

匈奴詰漢使不去節不黥面不入穹廬王為習胡事乃去節黥

面單于愛之遣子入侍

久在絕域

班超仲叔久在絕域思土上疏願生入玉門關帝從之後封定

遠侯

不失漢節

張騫使月氏匈奴留塞十餘載持漢節不失後封博望君

使不去節

漢楊信使匈奴信峭強不肯去節乃坐於穹廬死

使益得職

漢自貳師伐大宛之後西域震懼漢使者益得職

回紇皆拜

李油持節送公主於回紇署董晉判官回紇恃有倨因問歲市

馬而居歸我賄不足何也晉曰我非無馬而與尔為市為尔賜者不已多乎眾皆南向拜不敢有言

古今文集

雜著

華戎魯衛信錄總序

蘇頌

元豐四年八月奉詔編類北界國信文字臣竊惟念國家奄宇四海方制萬區九夷八蠻固不率俾蠢茲種獫狁以面內章聖皇帝因其喪師請和許通信好歲時問遺浚以訓備陛下欽若成憲羈縻要荒乃命儒臣討論故事將欲垂於方無副在有司其所以慮遠防微紆意及此者皆以偃兵息民故也顧臣愚陋不足以奉承明詔罷勉期月粗見綱領詮次類例皆宜聖謨前詔斷自通好以來以迄乎今將明作書之繇故以叙事冠於篇首厥初講和始於繼忠書奏虜主乞盟之請賜以俞旨由是行成故次之以書詔既許其通好乃有載書以著信故次之以誓書書之和戎則有金絮采繒之賂我朝歲致銀絹以資其贖故

次之以歲幣恩意既通又有好貨以將之故次之以國信信好不可單徃必有言詞以文之故次之以國書異國之情非行人莫達故次之以奉使之別則有接送館伴所經城邑郵亭次舍山川有險易道塗有回遠若非形於績事則方嚮莫得而辨也故作驛程地圖前後遣到名氏非一職秩不同南北群臣交相禮接年月次序散而不齊既為信書不可無紀故作各衙年表夫如是而使事盡矣通好肇於戎人我從而聽之凡問遺之事皆列比信比書於前朝廷所遣乃報禮也故載之於後所以著其所後從來也凡使者之在道則有郵館宣勞之儀入朝則有見辭宴賜之式禮意疏數並有節文故次之以儀式又次之以賜予虜待王人亦有常矩無敢違越故以持禮過北界及北界

分物係於後使者宜通賓主之歡而贊見之禮不可闕也故次之以交馳問勞往返詔宣書劄體範存焉故受之以詔錄又次之以書儀信幣則有齎操之勤道從則有輿隸之衆需登所及無不均通故次之以列物使者至都上恩顧郵靡所不至或買易貨財或須索供饋或丐求珍異許予多矣故次之以市易而供須求丐附焉南北將命往還約束細大之務勤循前比故次之以條例凡此皆常使也誕辰歲節致禮而已至若事干大體則有專使以道之故次之以乏使疆場之虞節守當任其責則接境司州得以公牒往復故次之文移事非司州所能予奪至待命官及疆吏對議者代州移徙巡鋪界壕是也故次之以河東地界疆界既辨則邊圍不可不謹故次之以邊防其別又有

州郡壁壘之繕完崇銷塘濼之限斷載於輿地所以示守備之嚴也凡為此書本於通好遼人則彼之種族自出不可不知遼本契丹也故次之以契丹世系虜與中國言語不通飲食不同逐草隨畜射獵為生難以禮義治也朝廷所以能固結而柔服之蓋知其愛好之實也故次之以國俗耶律氏僭擬中華有年數矣爵號官稱往往竊名故次之以官屬而宗戚俸祿三者相須並見於夷狄之俗恃險與馬由古然矣故次之以閉占道路又次之以番軍馬遼之為國幅員不過三千餘里而並建都府兼置州縣輅車所過宜詳其處故次之以州縣彼裔夷也并有奚激故土外接太荒之境其可見者宜兼著之所以示天聲之遠遠也故終以番夷雜錄而經制方略論議奏疏附焉臣竊觀

前世制禦戎狄之道載籍所記不過厚利和親以約結之用武克伐以驅除之或入朝質子以制其命漢唐之事若可信也然約結一解則陵暴隨之彼豈不得其術耶蓋特一時之安而不圖經久之利固也淵謀碩畫何代無之至于我朝乃得上策年歷七紀而保塞無患歲來信幣而致禮益恭行旅交通邊城晏閉黎民土著至老死而不知兵革自書契以來戢兵保定未有如今日之全勝者也聖上方恢天下之度以威懷遠人猶慮有怠慢令取侮遂案圖籍揭為令典使之循守無得而踰後雖有忿驚悍黠之虜欲啟事端繩以章條彼當自屈若然舉遼朔之眾唯上之令則是書之作可謂規撫宏遠而德施無窮矣然以今日承平之勢當彼百年既往之運徃我涵煦後心漸萌後極

而微形兆茲見黨衛管館行可致其俘人矣姑撮其大要概副聖衷經遠之慮摛二百卷卷有允併則釐為上中下謹條事自具於左方

擇使

孫洙

今北虜強抗中夏若古之大敵國聘問歲至日窺吾國家之隙暴侮甚矣朝廷北遣使介初不擇人頗無辯對之材可使張明中國之威信以驚伏戎虜之心者苟欲以戎人幣賜寵之故所遣使人不復有稱於絕域者徒侈激車服整飾駟旅以夸視於夷落細禮曲謹悉受訓策屈膝虜庭拜望跪起少不敢輒異還上語記一辭不中繩度則按以重罪遣削黜矣雖復間選左右名德方重之臣然皆束於儀矩屈辭憤結俯仰上下雖有勁辭

直氣竒謀博辯。刀筆在後。蓄不得發。其毅然欲存國大體者。亦  
更反以爲生事。而左遷之。故妄庸之臣。苟欲畢事。低首下視。暗  
不敢高吐氣。甚者或發狂疾。以自免。或對館人。醉舞跳跟。笑呼  
妄詬。重爲黷虜所。笑彼戎主。方驕吾以繁禮。妄說之。未足怪  
也。至於鬚首之胡館。勞王人者。亦復在誕。夜皆邀枉。王人屢省  
而蹇仰自便。甚可恠也。夫以堂堂中國。而一介之士。如此折辱。  
天威墮損。國命臣切羞之。昔漢鄭衆。不忍持大漢節。對甌夷。獨  
拜。而拔刀自誓。唐商侑。堅立不動。責可汗之失禮。李景略。以氣  
制梅祿。坐受其拜。近者晉天福中。王權猶曰。義不能稽顙於穹  
廬之長。而違詔得罪。欣然就貶。故太節之士。直躬狗義者。非私  
一身。而以尊主上。重國家也。今陛下待虜過厚。責使者之法大

密故。不復有倜傥偉節之士。立威名於戎虜。而使虜知中國之  
多賢也。而使者亦復氣息奄然。不自振起。唯戎人之所嫚視。而  
踞俟之。臣聞古之大夫出疆。有可以安國家。定社稷者。專之也。  
又曰。受命不受辭。何則。機事之會。間不容一息。樽俎之間。折衝  
萬里。豈復拘於應對之細。失容貌之苛謹哉。陛下宜與大臣預  
擇廷臣。辯論通古今。剖直有威望者。俾使北庭。使一言足以雄  
中國之威。奪疆胡之氣。譬說禍福。以厭抑貪狼之心。其舉動言  
辭。小不合者。無法以繩之。非有大過類。可濶略。使得馳騁辯博。  
應變不窮。則專對造命之士出矣。

送殷員外使回鵲序

韓愈

唐受命爲天子。凡四方萬國。不問海內外。無小大。咸臣順於朝。

時節貢冰土百物大者特來小者附集元和睿聖文武皇帝既  
嗣位悉治方內就法度十二年詔曰四方萬國惟回鶻於唐最  
親奉職尤謹丞相其選宗室四品一人持節往賜君長告之朕  
意又選舉有經法通知時事者一人與之爲貳由是殷侯侑自  
太常博士遷尚書虞部員外郎兼侍御史朱衣象笏承命以行  
朝之大夫莫不出餞酒半右度于韓愈執蓋言曰殷大夫今人  
適數百里出門惘惘有離別可憐之色持被入直三省丁寧顧  
婢子語刺刺不能休今子使萬里外國獨無幾微出於言間豈  
不真知輕重大丈夫哉丞相以子應詔真誠知人士不通經果  
不足用於相屬爲詩以道其行云

送石昌言舍人北使引

蘇洵

昌言舉進士時吾始數歲未學也憶與群臣戲先府君側昌言  
從旁取米粟噉我家居相近又以親戚故甚狎昌言舉進士日  
有名吾後漸長亦稍知讀書學句讀屬對聲律未成而廢昌言  
聞吾廢學雖不言察其意甚恨後十餘年昌言及第第四人守  
官四方不相聞吾日以壯大乃能感悔推折復學又數年遊京  
師見昌言長安相與勞苦如平生歡出文十數首昌言甚喜稱  
善吾晚學無師雖曰爲文中心自慙及聞昌言說乃頗自喜今  
十餘年又來京師而昌言官兩制乃爲天子出使萬里外疆悍  
不屈之虜建大旆從騎數百送車千乘出都門意氣愾然自思  
爲兒時見昌言先府君旁安知其至此富貴不足怪吾於昌言  
獨自有感也太丈夫生不爲將得爲使折衝口舌之間足矣往



年彭任從富公還。爲我言曰：既出境宿驛舍，聞介馬數萬騎馳過，劍槊相摩，終夜有聲。從者怛然失色。及明視道上馬迹，尚心掉不自禁。凡虜所以誇耀中國者，多此類也。中國之人不測也。故或至於震懼而失辭，以爲夷狄笑。嗚呼！何其不思之甚也。昔者秦春君使冒頓壯士太馬皆匿不見，是以有平城之役。今之匈奴，吾知其無能爲。孟子曰：說大人則藐之。況於夷狄，請以爲贈。

再論遣使劄子

胡致堂

臣竊聞宰相張浚有論使事爲兵家機權，與臣所論事理不同。今何蘄遂行，不可救止。臣待罪待從，初有所陳，已荷聖知。今浚以輔國謀臣陛下之所改觀而禮貌之者也。勢難以臣故以沮

其議。臣不當力論取勝，徒成紛紛。然臣再三思慮，終未曉浚之說。頃至剖析，聞於聰聽，望陛下留神省覽。姑且志之。聖懷俟他日驗臣所計與浚執中執否，則使事之利害決矣。今則未敢求直也。粘罕總師二十餘年，破大遼，弱我宋，雖無遠略，亦精於用兵。其所行事，盡詭詐也。今我之虛實，彼豈不知。尚頂卑辭，執謙然後足以驕其心，示弱屈服，然後足以平其怒乎。此遣使之無益一也。庚戌後，不遣使虜兵亦不來。及癸丑遣使，則鉤引虜使入國，熟視而去，曾不旋踵而淮南之警奏至矣。此遣使之無益二也。前我所遣四輩皆朝廷之選侍從之臣，聞其入虜境晝夜驅遞，略無禮節，及見粘罕坐受欺給，忽忽而歸，未嘗得其要領也。而况何蘄一使臣，其何能任規國之事乎。此遣使之無益三

也昔當鞏之使也以一言息南北百萬之兵可謂偉矣使歸行  
賞遷進官職弼方以中國未能用兵徒賴使人口舌下虜為莫  
大之耻終不肯受其識度如此乃可辦國今奉使者首先論其  
私事祈求恩澤一足意而後行所慮卑近與市井之人無異  
尚能明目張膽不辱君命乎此遣使之無益四也萬一虜賊臨  
以兵威肆其恐脅使人必不能就死則反以我之情告之是自  
敗也死生之際唯烈士不懼曾謂何辭而能之乎此遣使之無  
益五也虜賊之所大欲者誰不知之既有無厭之心正使劉豫  
明白就亡今日亦必赴救而况豫賊祈哀乞援秋高草熟來寇  
何疑此不待窺覘自可坐照於一堂之上也此遣使之無益六  
也今淮以北劉豫自以為封疆矣河之北粘罕自以為其土宇

矣使者之行豈能乘雲馭風徑至虜庭哉必渡清河之阻經濁  
河之限然後能至也去冬正詔罪狀劉豫明其為賊今豫肯實  
吾使人達之於虜哉臣恐戎伐凡伯則有之矣此遣使之無益  
七也今我與虜之勢如兩家有沒世之怨一弱一強強者侵陵  
不休弱者必固其門墉嚴其戒備待時而動庶能有濟乃欲命  
一僕夫啗以酒肉悅以金帛適足以重吾之弱增彼之強而已  
此遣使之無益八也自古兵強馬眾玩武不戢而無自焚之變  
者此五胡英傑勒囉垂珪之所難也粘罕好財貪色兇殘不義  
特盜賊之靡耳非有保國永世兼并天下之術也度其勁兵壯  
者老老者死其馬之齒日已長矣其謀臣志滿意得况酣乎子  
女玉帛之間不越數年必有禍敗此易見也萬一人今又當助豫

賊昧於一來陛下申嚴將士據大江之險以禦之彼再而衰三而竭必矣小小勝負兵家之常今未有兵交之形而遽自納侮以示畏恐情見力屈當反為所乘非兵家形格勢禁之法此遣使之無益九也夫和人之心迎合粘罕之意為身謀而已陛下寤寐賢才日昃不倦菲衣節食卑宮室陋器用以養戰士固將為父兄攜覆載不同之情雲浪不滌之耻也若堅用和策則謀臣解體義士喪氣將帥偷安而卒伍泮散以為無復有輸忠效智建立功名之日使和人自謂其說可用如此必有進為之漸以國與人取悅粘罕大事去矣此遣使之無益十也獨有一說使陛下難處者以二帝為言耳然自建炎敗元以來使命屢遣無一人能知兩宮起居之狀聲歎之音者况令歲月益久虜

必重閱惟懼我知之今以虜為父兄之讐絕不復通則名正而事順他日或有異聞在我理直易為處置若通而不絕則虜握重柄歸曲於我名實俱喪非陛下之利也使或有知二帝所在一見慈顏宣達陛下孝思之念雖歲一遣使竭天下之力以將之亦何不可之有其如艱梗悠邈必無可達之理乎以此揆之則以二帝為言者理不難處也臣聞善為國者必有一定不可易之計正其大義不徬倖以為之漢高祖出關得董公之謀以弑君討項羽後雖屢敗然項羽負不義之罪雖強必弱漢守其策不變終有天下然張良曉關之舉養虎之喻君子猶羞道之及劉先生諸葛武侯志在復漢自操為賊亦能三分鼎立魏延出奇欲速孔明不求近功君子以為真以天下自任者古之英

事文類聚

卷之九

二十一

雄規模注措大抵如此。三國崛起曹氏先據利勢蜀最後立豈  
以微弱之故卑下於操以苟存耶。孟子曰君如彼何哉強爲善  
而已今日大計只合明復讐之義用賢才修政事息民訓兵以  
俟。北向更無他策倘或未可惟是堅守若夫二三其德無一定  
之論必恐不能有所爲至於何難之行非特無效決須取厚臣所  
見如此豈得以張浚有言而自抑也。

古詩

送王誠之舍人使北方得揮字 洪邁

歲晏滯急景霜雪內霏霏。家居尚無柰何況披征衣。舍人使持  
節正爾辭帝畿揚鞭出門去言面無幾微。中朝第一人沙漠今  
宣威朔庭天驕子。應覺眼見布青春及南轅花柳相光輝。雍容

對直室便可持樞機。蛾眉含笑迎酌酒爭勞歸。金盃大如斗。客  
醉時一揮。

律詩

奉使燕山回早行書事

洪咨夔

露滿中庭月滿天。秋來懷抱轉悽然。客程恨不日千里歸思亂  
如雲。一川故國傷心那忍說。遺民望眼幾回穿。當家舊事堪垂  
淚。海上看年十五年。

送洪景廬舍人北使

周必大

嘗記揮毫草檄初。必知鳴鏑集單于。由來筆下三千牘。可勝軍  
中十萬夫。已許乞盟朝渭上。不妨持節過幽都。吾君甚似仁皇  
帝。道有韓公贊廟謨。

# 副使

歷代沿革 慶曆詔奉使接送伴燕會毋過飲食語言務存大体

仍委使副迺相覺察會要

羣書要語 命介左傳禮大夫為卿介介副也類要 禮卿出聘以

大夫為上介士為衆介同上便捷正郎之位尤增副介之榮白

六帖

## 古今事實

次介假道

使者過邦至於境使次介假道儀禮

奉玉帛聘

魏副介奉玉帛以聘類要

繼好奉辭

繼好二邦奉辭萬里副車之任選亦不輕白集賈蒙制

介臣持節

前命使臣泊介臣持節元集邵同制

# 接伴使

歷代沿革 景德元年契丹遣使韓杞朝于行在命知澶州何承

矩郊勞翰林學士趙安仁接伴明年以杜夢證康宗元接伴

使廻日充送伴會要中興接伴使自紹興十一年差魏良臣

始中興會要

古今事實

持節送客

馮奉世以衛侯使持節送大宛諸國客本傳

銜命接客

東魏遣常侍李諧聘梁至建康武帝引見與語應對如流諧等出上目送之謂左右曰朕今日遇勳敵時南北通和務以役又相誇銜命接客必盡一時之選無才地者不得與焉每梁使至鄴鄴下為之傾動魏使至建康亦然通鑑

敏於酬對

景德修好虜使至趙安仁接伴其觀見儀制多所裁定敏於酬對皆切事機時論以為得體

入境置頓

皇祐初接待契丹使者舊例使者入境所至置頓皆出於民珪請出大官供帳器皿為二頓之具番休以濟遠客便之王珪傳

選能專對

本朝遇北使至即命接送館伴使並遴選有出身能專對之人宰臣取旨若副使則樞密院擬焉職略

館伴使

歷代沿革此即周環人之職也環人掌送逆邦國之道賓客舍則授館令聚橐象胥掌蠻夷閩貉戎狄之國使凡出入逆送之禮節幣帛辭而賓相之祥符二年詔自今契丹使有例外

事文類聚遺集

卷之九

二十五

贈遺接伴館伴使者再辭不巳則許納  
會要國初無接伴館伴之使至景德元年接伴之名始見是年十一月契丹主遣姚東之自戎帳齎書至其效勞館穀並猶未正館伴之名也祥符之詔廼有館伴使未知的置於何時當是澶淵之後侯

考中興館伴自紹興十一年姜夔將始會要

羣書要語環人舍則授館禮晉師三百館穀左傳使在疆場膳宰致餼司理授館穀梁傳乃先謂受彼國之賓館左傳

古今事實

完客所館見國信使無宴客使注

館于班荆

景德二年命節度使石保宴射于玉津園自後皆命樞密或師

臣主之及契丹辭歸賜宴于崇德殿日遣邇臣館于班荆館自是歲以為例西朝國史

不許虜使升位

程琳字天球天聖五年契丹遣蕭蘊杜防來以琳為館伴蘊出坐位指日中國使者至契丹坐殿上位高今契丹使至中國位下請升之琳曰此真宗皇帝所定不可易防又曰大國之卿小國之卿可乎琳謂南北兩朝安有大小之異防不能對曰令宰相議或曰此紀爭也將許之琳曰後更欲其大者奈何遂止

新編古今事文類聚遺集卷之九終

早稲田大学図書館

011488600160